



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Carpus Ep. 26. Maii.

urn:nbn:de:hbz:466:1-44055

fuis impendit, ut nonnemo è sepulchro parceret
 eum sumptui operæque jufferit. Alteri ad mortem
 imparato vitæ triennium impetravit. Ne curâ cor-
 poris à Deo avocaretur, mensam illi Dominici
 diebus Angelus instruxit, cæteros impransus, &
 incœnatus egit. Hunc tamen tam vicinum cæli
 avocare, ad nescio quos Pharaonis thesauros de-
 mon institit. Sed ille Nilum calcare solitus, &
 clausis foribus, quoquo libuisset, penetrare, vi-
 denique etiam ad Cælites reperit, violentus scilicet
 licet homo, atque uti olim ædibus ita cælum
 quoque vim facturus; nisi spontè patuisset. *vit. PP.*

*Nemo diffidat, nemo veterum conscius peccatorum
 premia divina desperet: novit Dominus mutare sen-
 tentiam, si tu noveris mutare delictum. S. Aug. pl. 1.*

S. CARPUS EP. 26. Maii.

NON est cordi Deo rigida pietas, & justitiæ
 misericordiæ oleo non temperata. Id CARPUS
 PVS te docebit, qui à Paulo Apostolo Christianæ
 Philosophiâ imbutus, hujus tam præclari & neces-
 sarii axiomatis aliquando visus est oblivisci. Con-
 pererat Christianæ militiæ tirõnem, ad deserenda
 crucis signa, à dæmonis cultore esse inductum,
 quâ injuriâ ad Deum Opt. Max. pertinente, non
 est exacerbatus, ut impia ex æquo capita Offensæ
 devoverit, quòd mediocri supplicio nullo vindicari
 posse scelus manifestarium, & ultimæ penitenti-
 diæ persuasum haberet: & verò gestiebat animam
 cum dehiscente sub utriusque pedibus terrâ, in
 ferni ignis fumum ferri in ora, ipsosque stantes
 præcipitio similes ruituris aspiceret, impulsurum
 etiam, si copia fuisset. Subinde etiam aperiri cælum

lum, & Servator generis humani offerre se conspicuum, hortarique CARPVM, si ita ei videretur, ageret miseros illos præcipites, pro quibus ipse sanguinem suum fudisset. Sibi quidem tanto pretio assertos in libertatem, certum esse non deserre, & porrigere manum velle perituris: quin adeò, si necesse foret, non detrectaturum redire ad initium miseriarum, quibus in Cruce moriens finem imposuisset. Plura dici necesse non fuit. Tam mellea verba CARPO bilem absterferunt: & nimirum hodie quoque animorum æstus & inconsulta odia deservescerent, si in sanguine Christi intingerentur. *Ex Dion. Areop. In Patric.*

Par est, ut quisque nostrum non minus gratias agat Christo, quam si ob ipsum solum advenisset; neque enim recusaturus erat, vel ob unum solum tantam exhibere misericordiam; adeò singulos homines pari charitatis mensurâ diligit, quâ diligit orbem uniuersum.
S. Chrys. in c. 2. ad Galat.

S. RESTITUTA V. M. 27. Maii.

ROmæ nata RESTITUTA, denata Soræ nobiles natales nobilissimâ morte illustravit. Nubilis domi tamen clausa egit, & formam, quâ passim iuventus nobilis deperibat, velut ignem custodit, non jam Vestæ, sed Christi virgo. Hujus illa unius thalamum suspirabat, & aliter etiam nuptæ nomen refugiebat. Intereâ invidit Deo sponsam suam, ut solet, orcus, adfuitque minas spirans & ignes. At RESTITUTA nuper jam boni Angelî aspectu exhilarata, risit rivalem deformem, & tam formidandum monstrum in fugam puella egit. Secundum hæc, Christo auctore, ædibus paternis excessit virgo Soram abitura, nec tamen sine comite.